

Aproximadamente son 55 as hectáreas afectadas por múltiples focos de lume en Gondomar

Escrito por A.P.

Venres, 14 Outubro 2011 16:23

A Consellería de Medio Rural asegura que están controlados os dous lumes rexistrados esta madrugada no municipio de Gondomar, que afectaron principalmente ás parroquias de Mañufe e Chaín. O sinistro en total danou aproximadamente 55 hectáreas de montes comunais. Axentes que participaron nas actividades de auxilio aseguraron a esta Redacción que os focos foron múltiples e claramente provocados al iniciarse pola madrugada en ambos os dous casos.

Mañufe

O reporte oficial de Medio rural fixa o comezo do lume nos montes de Mañufe ás 4:05 horas e sinala que ás 9:30 desta mañá quedou controlado. Segundo valoración provisional, a superficie afectada é de 25 hectáreas, das cales 20 son rasas e 5 arboradas. Nas tarefas de extinción traballaron 2 axentes forestais, 3 brigadas, 3 motobombas, 1 membro do GRUMIR Val Miñor, 1 membro de Protección Civil, e 1 pala da comunidade de montes.

Chaín

No caso da parroquia de Chaín, o incendio comezaba ás 1:25 horas da madrugada e quedaba controlado ás 10:35 horas desta mañá. Segundo unhas primeiras estimacións provisionais, a superficie afectada é de 30,24 hectáreas arboradas. Nos labores de extinción participaron 3 axentes forestais, 7 brigadas, 4 motobombas e 1 helicóptero.